



薊丘集卷之四十七

薊丘王嘉謨伯俞 著

門人關中盛以弘子寬

友人濱州王文運子相

弟 嘉詔奉孺校

墓表一首

明故吏部考功司主事西里王公墓表
存初歿踰年而前大司馬繼津先生詒僕書于
梁其畧曰亡子業已窆矣亡子誠菲陋顧子宜

知之又其遺指也子宜為表僕乃哭存初于睢陽退而具論其事嗟乎古之君子其功業彪炳昭融以自表見於世豈獸其才已乎有其具矣或以骫於志有其志矣或以骫於時有其時矣或以骫於命疑似之迹緣飾之術遇合之艱其道非一端也故丹青有盡而軌轍難尋存初之才豈易得乎曩者僕與存初以萬曆七年舉鄉試益津去都僅數舍而始交存初久之驩甚存初為人恢竒閑廓于事無所不習而矩度謹甚

絕不以自高趨趨退讓君子也又務為名義皎厲不為詭隨雖號稱貴介公子意顧泊如于貨財散色之好夷然不屑云又深澹好書凡詩書百家之言下至方伎雜流靡不究極得其要領沈洋有以自快也存初既負其才慨然志於當世嘗以謂僕于朝廷之上邊鄙之間其事之體要纒纒乎其言之也而又不自崖異輒欲下之僕嘗歎曰使子得志於時何憂世事哉蓋存初生時高夫人夢異人來蚤即慧甚日誦數千

言迨里選御史陳公省督學大奇存初由是有
聲燕趙間存初雖名日高而自將益廩廩一切
穀伎未嘗稍自近有田數十頃家僮妄取人束
茅筓之躬自造謝童子師養之終身併卹其家
又周人之急于財無所恠取予一稟於義兩第
坊金皆不受人甚以是稱之萬曆壬辰舉進士
授行人大行官卑無所事事間有賓客過從非
其好也輒杜門自處初使趙趙王聞其名持
之有加厚為餽遺存初俱謝不受其明年荆石

先生奉

詔省親存初送之同舟而南先生相

與語奇存初甚以為國士無比云屬吏部郎缺
畿輔一人補存初驗封主事無何改考功存初
感于非常之遇務稱其意盡力吏事不少休先
者內子史孺人及少子叔銘相繼歿存初傷之
甚重以勞瘁復自力遂發病卒時萬曆乙未正
月云年四十四自司馬公以直道不容天下仰
之而君益自修媵能稟其意黷焉以歸于正輓
近絕學異端襍出薦紳先生靡然從之士之不

為禪者少矣存初敦尚家學曾不移奪于佛氏
更加推絕以為蠹國誣民莫此為甚夫枯朽在
前蘭芷不化流波滙汨源委自明此二者博大
貞醇其有幾于古之人哉以此救時譬猶參苓
補羸而鍼砭起廢也區區尺寸以自名豈足論
乎故嘗以為存初有經國之志能知其變其用
故融有綜理之具能察其節其行故邃有樞正
之資能範其物其學故純有閔俗之心能尋其
是其迹故婉使極其用而非命之不衷則卓然

有以自立無疑也斯可謂之才已僕與存初雖
志趣不同而能以好尚相取僕嘗自稱仕非吾
意所欲者隱也存初笑曰夫出處之道未嘗有
岐推是言也子將馳騫不暇何以隱為僕敬服
其言癸巳七月存初屬僕以墓志僕甚異之蓋
彼有所學非誕也存初為文曷意自適詩有肯
法不局局以自弊非若世之齷齪者比所著鷄
適軒集行于世卒無何郡人請祠于鄉云存初
諱樂善西里其別號也益津之有王氏最久有

諱聚者為君始祖四傳而有聰贈通議大夫兵部左侍郎聰生宗義仕至曹州判封如聰官宗義生大司馬公遴遴生存初別無母兄弟有子二人伯鏞仲鑰其詳具劉都諫狀中僕與存初為友人莫不聞蓋竊取于古人之遺義智足知汙非徒生死語言間也夫木雕不能自飛騾裹不能自駕士之用世與其用于人也曾何極焉使國家而有大賢之佐豈徒數世之利已乎存初遇而不永其故不可詰也出處之道信其難

矣故當與天下共論之烏乎

志銘三首

明贈登仕佐郎鴻臚寺司賓署序班浙江台州府定海縣主簿納川鄧君暨配孺人承氏合葬墓志銘

公卒三十餘年而始有誌誌曰公蓋出於有宋南平王之苗裔公蘊以靜海建節王其地八傳而失之始鄧氏遺腹生子萼萼生嵩嵩生璠璠生德德生明皆冒鄧姓為陳氏臣永樂中交趾

納土明有力焉 文皇帝嘉其義下詔徵之賜
以忠義銀牌明卒于王事賜葬宛平生師晦守
福安俄以論事謫江陰薄久之有為言者 睿
皇可其奏即任子田子孫世順天諸生及鴻臚
簿師晦葬江陰遂為江陰人生樞廕任光祿丞
次漢娶于莊生公少有大志天性孤特不妄與
人交以廕讓弟壁為諸生入大學久不第謁選
會議釐選法公遂外補定海沮汝民多豪猾難
治公專迹捕謹慎無害諸生張堯年聘妻劉指

揮欲奪之屬公主讞劉納賄于公公大恚露于
庭女竟適堯年又有豪家以父杆囚公捕之急
乃推金錢絕獄公大恚收之公藏竟論豪家常
盈倉出納輒通賄公獨卻之主者多逋窘甚且
鬻其女公持之骫曲澹之主者垂泣願以死報
公不荅海壖盜藪也會有據普陀者公便宜乘
潮襲之殲其魁其黨立散公既清慙絕膏潤之
習兼有功人多推重之者屢假縣事益自勵屬
邏卒得盜寔遭風販舟也公力辨其寃直指格

蘇五集 卷之四十七
公議欲中傷公公自稱曰吾家於 國有微勞
徒業於弋藝匪徒黻黼之飾車馬之翫也正欲
藉先人之靈殫心以報國顧數竒又安能為遂
投劾去太守大賢之留公不得身送于郊奉金
上壽士民號泣遮留不能得公遂著大畜畫馬
公孝友有志義既以蔭讓弟分產薄取之 賜
田復為豪家所侵兩執親喪皆曲為經傳不以
累弟及罷歸行李蕭然 賜第不蔽風雨婚嫁
一裁于古弟使道家病卒公損訾厚葬之又閔

其不嗣也子欽承奉之人之欽承補廕奉公至
京則之暘瑩因愴然曰吾世受國恩賜阡而蕪
賜田而失君親之謂何乃置守冢數家而去丹
還江陰踰年孺人卒孺人同邑南陽守承君女
也承為名家孺人秀慧少成母葛安人及南陽
君愛之甚三歲字于公孺人雅有志操又解文
義然不欲自侈謹慝甚也公為諸生舅姑甚嚴
孺人得其驩心公恂恂讓廕折產為弟至薦孺
人不少靳公需次選人弟守鴻臚而姑病亟孺

人竭力事之貌日悴或寬譬之孺人長跼露禱
不少輟既襄事賙襚粲然有可稱者里人莫不
稱之及隨定海力儉攻苦不以家累貽于外嘗
從容諫公之直定海之清而能容有助之者也
子即欽承晚生孺人喜甚每懷葛安人之內則
嚴事繼母又斤斤自規愛子特至推燥濕擇食
飲長則教之學書解槩不少休有懈則督過之
不時及孺人獨留與子婦居窶甚恐婦不能無
望輒陳說大人之高義以相勸云暇日奉佛教

女孫書自憙頤甚思江陰常見鴻臚奉至歎曰
國恩良厚幸甚願兒子努力以保其世雖然猶
素飧也且老婦病甚少既困苦兒子能歸則善
不然祿命之不康憂在兒子矣欽承聽命屬闔
門大疫孺人悸甚疾遂篤公哭之痛行次清陽
疾革謂長公曰吾家世受國恩頤無尺寸之報
願吾苦節古人有以清白遺子孫者是吾志也
曩者吾夢蓋見異焉有彤衣大冠錫我以玉吾
蓋問之卜其繇曰必有後若子婦隻則有徵已

遂卒公雖郡縣小吏乎乃能行其志不以迹自
訕其事踔絕不以利自私阜服惟家又得孺人
之貞淑是以不墮其世有可述焉以 穆皇覃
恩得請改贈 制書褒異公生於弘治己酉卒
於嘉靖乙卯年六十七孺人生弘治戊申卒嘉
靖甲寅年六十七欽承娶無錫徐別駕惟廷女
欽順適武進白訢太保康敏公曾孫孫二長曰
汝楫舉孝廉讓蔭於弟汝舟今鴻臚序班孫女
一適武進諸生白汝高曾孫皆幼公與孺人合

葬于江陰西里孝廉與僕同舉于鄉融請多才
足以自致定海之夢尤信己丑春屬僕以志不
敢辭銘曰

矯矯定海位不稱德用埴幽光聿為世則妃以
賢媛克開爾家共聚于斯百福是遐

幽幽者阡而賢同室于播于滋保世永吉

潘子政墓志銘

子政潘氏名紹康其先秣陵人世精推步為欽
天監官伯父皆監正子政少聰敏精于家說禮

部考試輒第一不數年授春官正萬曆辛卯二月驟得疾卒僕與子政皆以姻家子少相習及僕廼宅與子政為隣仕進以往無日不與俱也其書自十餘歲已工徧摹諸體楷法似趙吳興真行則大令行草稍不逮猶稱能品然謙遜不自貢見人法書輒咨咨羨之又不肯輕為人作書故名不甚著其為大司隸余公書其母誌道婉端麗最為可傳人稍稍知子政禮部尚書李公見之曰是真法書峰岫也乃辟為其母書誌

子政已病差不甚稱尚書猶大愛之僕嘗與友人論子政書曰其參伍衆美時露其才如古人所謂標雲柯而不扶踈蘭滌葑披紛葩悅目者也或以為知言子政亦解為詩貴清便終不能成每向僕剖析風雅之致輒忘日夜其好慕不專他人譎誑則又從之其所就如今吳穀不足傳也其持論必有所依或張之即以理奪之則心厭轉而之他則稟如已有不知者以為訑非也其事事不苟衣冠器用皆爾雅第不甚擇交

昔者僕之使建昌也亡女字于子政兒子也者
既殯矣子政顧哀甚索落不自得里中有二三
惡少妖閔粗知文墨見子政之好古易動乃譟
張標置以贗書相示多古文奇字子政大喜過
望又一人狎甚久之縱倡又匿名家俄而間窘
子政得數十金散去子政素貧愛惜一官無如
何猶與往來與子政游者皆憂之而僕適還子
政上謁忽忽即去僕已微聞其事從容諷之不
聽偶于衆中勃然責子政曰所為丈夫也者言

必依義行必擇交豈有以瑾瑜之資為牛蹠之
用乎又嗜欲侈易而堤坊最難子秀羸如此而
不自惜夏后之璜胡可自用子政變色亟去座
中皆笑僕之慙不踰月死矣悲夫子政葬于東
安且踰年矣因紀其事以志懷舊併示其子國
壽系以銘曰
胡其孑材而早斃豈其適己之適而有斯疾乃
其所工則胡不庸嗟嗟大命之不衷兮

明故誥封宜人王母朱氏墓志銘

吾宗自受姓以來蕃茂徧天下晉氏渡江而後
流寓會稽者率多聞人比時吳中舊族以顧陸
朱張為首稱朱蓋吳將軍據苗裔云諸宗皆兢
於禮義名宦昏媾必以其類確然別於世俗流
風所傳至今未艾也嘗觀其譜牒稽考行事名
德昭明內行淳備非獨丈夫好脩即閨門之中
厥足稱述即其耀之于遠近彬彬然有以自重
矣豈徒託寄而已乎廉憲公世居山陰每為僕
言其家甚具僕竊敬事公以為清介慈恪古之

遺直推德必探其本察行必有其原何高門之
多賢也久之始聞其母氏事迹甚可稱歎益為
推羨大姓之興必非倖致質諸往昔之論述幽
羨曷明信非可一端盡已久之廉憲出其母氏
狀視僕且泣曰泮不天蚤失慈氏唯是貧困之
不時恨無莠也先大夫受比部之命葬有志
矣母繫未能卹焉日以為闕子倘志之則母氏
之一二遺行尚有可言僕謝不敏受而覽觀宜
人之行何其盛也于是采而志之志曰宜人朱

氏將仕郎諱某之女山陰舊族也少淵敏婉慝
遇事即解雖謹弱乎而檢押莊甚見人溫和如
不可勝嫺於女事兼通文史父甚重之不肯妄
予人封比部公方弱冠以才秀知名于時因以
歸之比部雖為諸生而性方嚴絕去濡忍宜人
相之槃辟左右能以意為上下畧無間言秩如
也比部蚤孤事母劉甚孝而家方貧時時乏絕
又業儒不能問家人事生產益落宜人躬自尅
儉尺寸能有藉記澣統紡績皆親之初無贏餘

姊姒每不能堪也更相勞苦通其有無宜人介
於其間戢然無復之嫵妍不少見于是重相敬
慕焉比部時與同舍生來發酒趣具頽亡以應
也宜人輒自力或脫簪珥與丘嫂共持之杯案
陸離賓主盡歡而罷然觀者稍稍疑之以為若
貧甚何數見能給如此皆以稱比部比部名益
起學益進云會叔氏誑誤論戍比部力營救之
卒得免而家遂大困屬歲方惡穀價翔踊比部
老於布衣即借貸亦無予之者舍中甕不舉火

宜人煢煢備極艱苦悉出所有以糴僅得升斗
冬月在杵臼間手足皸瘃食猶不給家僮掇拾
遺穗雜供饘粥即不時得甘脆以事母寡猶力
致之不令母知母安宜人即不知其貧也比部
無可如何將仕為權務官罷歸頗饒於財子弟
私之不予宜人一錢宜人不較也曰是區區者
比于毫末吾何羨之有子弟內慙益以多宜人
云已而比部病疴踰年甚殆宜人日夕涕泣躬
自扶承藥餌常不給乃割股調藥以進比部餌

之即愈徐聞其事也悲歎不能自己宜人卒比
部不復娶蓋激於貞義非徒高行云廉憲蚤著
竒慧十餘歲為文即瓌異不常人知宜人有後
宜人幾其成立甚切也既就外傳拳拳不少釋
廉憲每試輒高等比部每取觀其文宜人共為
慰藉媿媿殊不置于懷廉憲益自感奮焉生平
善病兼以治家撫育曾不自靳秀羸刻苦已而
再嬰遂至沉劇廉憲悲慄骨立計無所出乃禱
於神願滅已算以延母年宜人雖憊彌留三歲

始歿人以為孝義所徵不可憫也宜人寢疾既
久廉憲內子事之極其勞瘁儲峙畧無少恠宜
人意更閒暇猶或讀書流覽不輟彼其純白孤
介之操淪于心志足忘夷險疾不足言云耳比
部為中丞公曾孫朱亦名家而遭逢阨困不異
蓬艾植德垂休以啓廉憲豈獨天之所為乎廉
憲方致通顯王氏中興實有母德讀其狀其遇
則可悲已宜人人生於正德乙亥七月八日年三
十九卒之十四年葬於孫家滙山祖塋之次廉

憲比部郎滿贈安人 上大婚禮成再贈宜人

子二長即廉憲娶蕭氏封宜人次濂娶彭氏孫
五人廷松娶鈕氏繼張氏廷相娶胡氏廷槐娶
沈氏廷桂娶柴氏廷植聘孫氏皆仲子出也廉
憲屢子不育養廷松為己子家事悉與諸弟子
共之有女適國子生陳森初無所私也曾孫男
二人士毅聘錢氏廷松出土某曾孫女一俱廷
槐出云僕觀前代稱老萊孺仲之妻共以隱淪
砥礪於幽獨褊心者或不之信揆于宜人豈有

異乎論其大者孝義淵深窮困不躓當霜雪之
候植頽頽之操方之古人艱難如一而行或過
之語所謂厚壙足以自固豈果族姓使然乎德
之休明必有其本是真可以詔來世矣銘曰
宰彼者阡爰葬母師維孝維義惟百世是詒德
不易基如地惟扁石之碣困以啓爾後人

碣一首

表妹妘墓碣

伯舅葬表妹于魚山加識焉妹死五歲始葬而

伯舅掇其事徵僕為碣且曰姪也死父頽子志
之以昭其微按狀妘游氏父季子為內府賈人
類多大猾藏匿官帑無算動輒齟齬人平居則
縱酒與倡有司或督過之則螫弱者季子賈一
年懦甚也俄而被繫妘始孩聞之投於牀下或
詒季子書曰天地之生不藝節則與存故蘊利
生孽多藏厚亡即以其道行之猶或為患先王
之有天下也設為四民士農工賈各勸于其業
凡以利之所聚不可底也故為賈以通之厚自

殖而重取羸猶行之也且或為患矧於操天府之重以取之于民而攘之于上是與上爭也禍患之來其何道之有子其勉之譬之藥石薄餌則其齊不甚或可以免季子得書而泣也是時親戚交游皆與季子絕往來獨家督護力救之刑臣求貨于季子不得下詔獄妘朝朝其母問曰父何在則對曰囚即哭而不食丁卯三月朔妘游於囿有雙鶻來或搏之雛投地死妘忽哭馳告其母曰父何在聞且藁然囚矣疇昔之夜

夢見黥髮而朱擗者甚怪謂兒祠余見而父若是其不祥也適囿中諸姑持鳥大鳥颺小鳥即投死兒顧不如死鳥語未絕墻崩妘叩地哭不起竟死野史氏曰甚哉治生之難也季子徒以餬口之故不辭數化而卒罹于禍徒使孝子傷其生夫計畫之窮有子必不得之父臣必不得之君者以此鬱抑困窮非不幸也悲夫

薊丘集卷之四十七終

中大夫四川按察司按察使弘岳王先
生伯配李淑人馬淑人行狀

萬曆丙午十一月廿日寅刻弘岳王先生
卒于都門里第無子其季孝廉公為營窆
窆績述生平而門人盛以弘為之狀嗟乎
傷哉先生之弗胤也先生諱嘉謨字伯俞
弘岳其號云先世本山東鄒平人有諱忠
者以靖難功授豹韜衛副千戶遂移家于
京生衡衡生俊俊生壘壘生欽欽生寶號

石葵皆世紹其官石葵公以先生貴改文
階贈叅政配楊贈淑人生應祥是為先生
父武試三舉于鄉官至署都督僉事志行
識畧迥邁時弁配游氏封恭人以嘉靖己
未七月十一日子時舉先生先是同巷有
張翁者素行淳良疾革顧其子曰吾閩鄉
里為善最篤者莫如王千兵家吾將受生
矣若欲見吾盍往訪之張翁逝其子叩都
督公門問狀適告兒生其子黯然忍泣而

去踰月力求見兒一再見輒病沉昏游恭
人怪之廉得其情自是遂絕不復令至門
六歲知句讀八歲日誦數千言十歲即構
舉業文十三能為詩歌名浸浸聞于親黨
或至徵其文行慶吊儀十八入黌宮試率
居高等督學直指皆以博古奇之己卯舉
于鄉益肆力諸子百家語旁及釋典有妙
契處著鷲峰問道錄丙戌成進士授行人
初奉

命使韓藩繼使益藩又使饒州每出騶從省約饋遺無所受郵傳人德之交口道路壬辰以才望考選授禮科給事中秋陞吏科右甲午轉刑科左先生方任使職時遇朝政缺失輒欲陳奏而遇于都督公不得發摠迨居諫垣侃侃論列皂囊數十上請

建儲摘東封請用人聽言劾權璫糾大僚所言皆國政宏巨者指斥一無顧避疏稿載文集中秋奉

命典試關中其所錄士登甲第視前後數十科為獨盛闡未撤陞陝西叅議未任乙未改河南叅議管河道河水湍悍岸善崩疏瀹隄防朝夕拮据畚鍤間無寧日戊戌叅議三載考績授階朝列大夫兼攝陳州道郡忽飛檄至省會言肄武所高豎反幟里巷驚擾逃匿督撫為之惶惑不知所出先生曰余攝是道宜當其難星馳至郡士女負載悲號內者欲出外者欲入交錯城闈先

生先喻安百姓毋訛言毋輕徒嚴飭兵馬
器械乃密詢亂作之由得渠首瀏陽從者
數十人論如法亂遽弭陞按察副使駐汝
州己亥秋賚捧入賀

聖旦會兩尊人年俱六十得舉耆壽觴懽浹庭
闈時播酋猖獗攻破綦江川貴總督李公
疏請先生陞叅政管上川南道是時李公
統大軍駐重慶以先生叅贊兵事數月播
寇平陞俸一級銓部疏請撤西征司道復
寅復入賀

萬壽值立



改河南川貴總督王公題請留任川南壬

東宮覃恩授階中大夫癸卯旋任清理遵義
府新疆引圖籍証地界毫不肯曲徇擢按
察使管川西道甲辰春聞都督公疾決意
引歸兩臺勉留乃移駐境上示必去意兩
臺不得已為代請歸未半歲而都督公病
逝逝未浹歲而游恭人亦逝先生供湯藥

